

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1264b

原始資料: 蕭鎮國大德提供, 北美某大德提供

佛說穰囊梨童女經

唐三藏沙門大廣智不空奉 詔譯

如是我聞。一時薄伽梵。住舍衛國祇樹給孤獨園。與大苾芻眾千二百五十人俱。復有無量菩薩摩訶薩。及諸天龍藥叉乾闥婆阿修羅迦樓羅緊那羅摩睺羅伽人非人等皆來集會。爾時世尊告諸苾芻。我念往昔。住雪山北遊香醉山。見一童女。百福相好莊嚴其身。鹿皮為衣以諸毒蛇而為瓔珞。將諸毒蟲虻蝮之類。前後圍繞常為伴戲。飲毒漿食毒果。彼女見我謂言。仁者當知聽我宣說穰囊梨真言。能除世間一切諸毒。若人聞此真言。及持我名者。不被一切諸毒所害。爾時童女為我宣說。我從彼女聞已。常持此法饒益有情。我今當說真言曰。

怛儻也(二合)他(去聲引)唵(引)壹里蜜帝(引一)底(丁以切)里蜜帝(引二)壹里底里蜜帝(引三)努(鼻)迷努(鼻)麼(引)里(引)曳(平聲引四)訥泚訥蹉(去聲引)里(引)曳(平聲五)得羯囉拏(尼呈切鼻六)嚩(無博切)羯囉拏(鼻上同七)羯濕弭(二合引)[口*(隸-木+士)](引八)羯濕弭(二合引)囉穆訖帝(二合引九)惡祇(祇曳切十)惡伽(去聲)寧(十一)惡伽(去聲)曩伽寧(十二)壹里曳(十三)壹里壹里(引)曳(十四)阿(上聲)佉(去聲引)夜(引)曳(平聲十五)始(烏合切)播(引)夜(引)曳(平聲十六)濕吠(二合引)帝(引十七)濕吠(二合引)多頓孃(引十八)阿(上)曩(引)努(鼻)囉乞囉(二合引)娑嚩(二合引)賀(十九)

佛告諸苾芻。若人一切聞陀羅尼。却後七年遠離一切諸毒。若常受持。一切毒蟲及諸毒藥悉不能害。若有毒蛇來嚙此人者。頭破作七分猶如蘭香[卅/梢]。其有受持此真言法。應以白物先供養師。然後受持必獲成就。苾芻當知。勿於蛇前稱誦此明。其蛇必死。應當以此真言。加持死蛇令其蘇息。真言曰。

怛儻也(二合)他(去聲引一)唵(引)壹羅(引二)尾羅(引三)斫句(引)嚩句(去聲引四)句(引)拏(引)句孃(引)底(丁以切五)報(引)拏(引)報(引)孃(引)底(同前)[寧*頁]矩嚩拏(引六)[寧*頁]矩魯孃(引)底(同前七)普吒囉莖(引)

普吒囉莖(引八)普吒赧(譚簡切)拏囉莖(引九)薩跛囉莖(引十)薩跛吒赧(准上音)拏囉莖(引十一)曩(引)誑囉莖(引十二)曩(引)誑吒赧(同前)拏囉莖(引十三)阿(上)泚(引)蹉禮(引十四)揆攞尾囉(引十五)試(引)帝(引)試(引)多嚩寧(引十六)滿路(引)黎(引十七)伊(上)里黎(引十八)賀黎賀黎(十九)且孃(引)且孃(引二十)怛[齒*來](二十一)娑普(二合)吒娑普(二合)吒娑嚩(二合)賀(引二十二)

爾時世尊說此陀羅尼已。告諸苾芻。我此真言能解世間一切諸毒。蟲毒魅毒蠱毒藥毒等不能為害。若有被毒中者。以此真言加持皆得消滅。諸苾芻此穰囊梨陀羅尼。於一切如來大會中說。真實不虛不顛倒語。如語不異語諸有藥毒呪毒蟲毒魅毒。欲來

相害。能令却著本所與者。令使諸毒入水入火入柱入壁。亦令入地。所有諸毒不令成毒。悉能除滅。若人受持此經日誦一遍。非但滅世間諸毒。亦能除滅身中三毒。爾時世尊。復說穰囊梨童女隨心真言及成就法。修行者欲成就此法。先斷五辛亦不食鹽不食油。斷語於一淨處。三時澡浴三時換衣。結印誦隨心真言滿一萬遍。則行法成就。復作一切事必獲成就隨心真言曰。

唵(引)阿(上聲)臬(思以切)爾賀(二合引一)戌(引)擺爾賀吠(二合引)嚩囉(二合)迦(引)與(引三)佉囉(三合)娑佉囉(二合)娑(四)入嚩(二合)羅入嚩(二合)羅(五)摩賀(引)迦(引)里(六)摩賀(引)喻祇(覓夷切引七)濕嚩(二合)里(引)曳(引八)唵(引)頗[齒*來](引九)普吒囉奚(引)娑嚩(二合引)賀(引十)吽發吒(上半聲)娑嚩(二合引)賀(引十一)

我今復說穰囊梨印及觀行法。其根本印。以二手相搏如掬物勢。以二小指相並。餘八指各散開微曲即成。結此印誦前根本真言。加持自身五處。所謂右肩左肩心喉額等項上散印。次結隨心印。以右手五指散開。微屈如師子爪形即成。結此印誦隨心真言七遍加持五處。修行者作先行成就法已。欲作法除毒之時。觀想自身為穰囊梨童女。身綠色狀如龍女。具足七頭項有圓光。應想四臂。右第一手持三戟又第二手執三五莖孔雀尾。左第一手把一黑蛇第二手施無畏。又想七寶瓔珞耳璫環釧。臂脚釧莊嚴其身。并以諸蛇用為瓔珞。想從一一毛孔流出火焰。作此觀已於被螫人前。結根本印及隨心印。加持自身五處。取一熟銅碗盛水。誦隨心真言加持七遍。以右手掬水打被螫人心上。所有毒氣漸漸銷除。即於真言句中增加此句。所謂。

左擺娑嚩(二合引)賀(引)尾鑠(疏覓切)娑縛(二合引)賀(引)

即取淨土加持七遍。周匝圍繞被螫之人。一切諸毒應時銷滅。又法於被螫人前。結本印數誦吽字一字真言。或誦撲字一字真言加持。皆能除毒。若常受持此穰囊梨法。能滅世間一切諸毒。所求無不遂心。爾時世尊說此經已。時彼大會天龍藥叉人非人等。聞佛所說皆大歡喜信受奉行。

佛說穰囊梨童女經